

Հնադույն ժամանակներից ի վեր մարդը քարի հետ միասին լայնորեն օգտագործել է նաև փայլար՝ երկրագործության, տրանսպորտի և ընդհանրապես նյութական արտադրության բոլոր հյուղերում ու կենցաղում: Սակայն օրդանական նյութ լինելով, փայտը վատ է պահպանվում և, հասկանալի է, պիղումների ժամանակ փայտյա գործիքներ, այլևայլ իրեր շատ սակավ են դնում: Այդուհանդերձ, հայտնաբերված մի քանի փայտյա նմուշները թույլ են տալիս որոշակի պատկերացում կազմելու ուսումնասիրվող ժամանակաշրջանի փայտագործության զարգացման մակարդակի և փայտի գործածության բնագավառների մասին: Մեղ հասած նյութերը ցույց են տալիս, որ ուշ բրոնզի և վաղ երկաթի ժամանակաշրջանի տնտեսության մեջ փայտից պատրաստել են աշխատանքի բազմաթիվ գործիքներ, ինչպես և գործիքների ու զենքերի բազմաքանակի մասեր:

Դեռևս անցյալ դարի վերջերին ֆրանսիացի հայտնի հնագետ Ժ. դե Մորյանը Ախթալայի դամբարանադաշտում բացեց վաղ երկաթի դարաշրջանին պատկանող մի քարարկղ, որի մեջ հայտնաբերվեցին փայտի խոշոր բեկորներ, Դրանք իրենց վրա կրում էին հղկված բազալտե փոքրիկ քարաբեկորներ, որոնք տեղադրված էին փայտի ստորին հարթության վրա պատրաստված քառակուսի փորվածքներում (նկ. 1): Ֆրանսիացի հնագետը նման քարաբեկորների է հանդիպել նաև Շելթան-դադի ու Մուսիբրիի (Լալվար լեռան մոտ) բազմաթիվ դամբարաններում¹: Լալվարի դամբարանադաշտերի հիշատակված նյութերը, անկասկած, կամերի մնացորդներ էին, որոնք օգտագործվում էին մ. թ. ա. I հազարամյակի սկզբներին հայկական լեռնաշխարհում և նրան կից շրջաններում: Այդ են ապացուցում Սամթավրոյից, Բեշթաշենից, Հարավային Սսեթիայից և այլ վայրերից հայտնաբերված հղկված քարաբեկորները, որոնք ցույց են տալիս երկրագործության բուռն վերելքը ողջ Անդրկովկասում²:

Դժվար կլինեն ճշտությամբ վերականգնել Լալվարից հայտնաբերված կամերի ձևը և չափերը, եթե խանլարի № 2 դամբարանաթմբից չհայտնաբերվեին լավ պահպանված կամը, ինչպես նաև մ. թ. ա. II հազարամյակի վերջին պատկանող այլ նյութերը³: Կամ (չափերը՝ 120×40×4,5 սմ) բազկացած էր երկու իրար միացած տախտակներից, առջևի մասը ուներ որոշակի թեքություն և երկկողմանի կորություն, որը աշխատանքի ընթացքում գործիքը դարձնում է շարժունակ: Կամը առջևի մասում, վերին հարթության վրա ուներ որոշ

¹ J. de Morgan, Mission scientifique au Caucase, tome I, Paris, 1889, էջ 138, նկ. 143:

² Б. Б. Пиотровский, Основные этапы древнейшего земледелия в Армении. (տե՛ս «Պատմա-բանասիրական հանդես». 1961, № 3—4, էջ 114—115):

³ Я. И. Гуммель, Курган № 2 близ Ханлара, КСИИМК, № 24, 1949, էջ 56—57, նկ. 13, 7—8:

ուռուցիկություն՝ պարան կապելու համար: Ստորին հարթության վրա կային շախմատաձև դասավորություն ունեցող խուլ, ուղղանկյուն անցքեր (չափերը՝ $1,6 \times 1,6 \times 1,4$ սմ), որոնց մեջ ամրացված էին քարաբեկորները (նկ. 2): Կամր պատրաստվել է կաղնու ծառաբնից:

Հայ աղգագրության մեջ պահպանվել է կամ պատրաստելու հետևյալ հնագույն և միակ ձևը: Ծառաբունը հատելուց և շորացնելուց հետո հյուսնը սկսում է տախտակ պատրաստել՝ ճեղքելով ծառաբունը մի քանի մասերի (հավանական է, որ ուշ բրոնզի ժամանակաշրջանում այդ նպատակի համար օգտագործվել են սակրը, փայտյա սեպերը, գրերն ու հարթ տապարիկները): Տախտակի պատրաստումից հետո նրա ներքևի հարթության վրա փորվում են խուլ անցքեր և տեղադրվում են քարաբեկորներ, որից հետո տախտակի վրա շուր է լցվում. այն ուռնում է, սեղմելով քարաբեկորները⁴:

Երկրագործական մյուս գործիքի՝ արորի գործածության մասին են վկայում մեղ հասած սխեմատիկ պատկերները: Բրոնզեդարյան արորի կառուցվածքի մասին պատկերացում է տալիս Լեռնային Ղարաբաղի Խոջալիի դամբարանադաշտի № 20 դամբարանաթմբից հայտնաբերված խեցու բեկորը, որի վրա պատկերված է արորը և այն քաշող կենդանին (նկ. 3)⁵: Նման պարզագույն արորների ժայռապատկերներ են հայտնաբերել նաև Ջաֆար-գագեն Կորբստանի Ցազիլի-դաղ բլրում⁶ և Սիսիանի, Եղեգնաձորի, Աղիզբեկովի շրջաններում⁷: Ըստ Բ. Բ. Պիոտրովսկու, հավանական է, որ ուսումնասիրվող ժամանակաշրջանում «գործածության մեջ է եղել նաև պարզունակ գութանը, որը օգտագործվում էր արդեն անդրկովկասյան ցեղերի հարավային հարևանների մոտ»⁸: Գութանի խոփ հայտնաբերվել է մ. թ. ա. VIII—VII դդ. պատկանող նյութերի հետ՝ Վանի պեղումներից:

Հենվելով հնագիտական նյութերի և աղգագրական տվյալների վրա, արորի պատրաստման եղանակը կարելի է պատկերել հետևյալ կերպ. օգտագործվել է կաղնու փայտը և կիրառվել են աշխատանքի նույն գործողությունները, ինչ կամի համար: Ոչ հեռավոր անցյալում, հայկական և ընդհանրապես Անդերկովկասի գյուղական վայրերում արորը պատրաստում էին հետևյալ եղանակով: Մոտ 12—14 սմ հաստությամբ և 2,5 սմ երկարությամբ ունեցող հաստ ճյուղի մի ծայրը տաշում և մտցնում էին ռադամի վրա պատրաստված հատուկ անցքի մեջ, որից ոչ հեռու ամրացվում էր մաճը: Ռադամը և հաստ ճյուղը իրար էին ամրացվում թրի միջոցով (նկ. 4)⁹: Արորի առկայությունը և երկրագործական աշխատանքների բնույթը ենթադրել են տալիս, որ հերկած հողի կոշտերը մանրացնելու, ինչպես և ցանքսն ավելի արդյունավետ դարձնելու համար պետք է, որ օգտագործվեին ցաքանն ու փոցխը, փայտյա թիե-րը, եղանները և այլ գործիքներ:

⁴ Այսօրինակ տեղեկությունները վերցրել ենք տոհմական հյուսն՝ Մ. Գրիգորյանից:

⁵ ОАК, 1897. С. 16, т. VII, 1900, էջ 48, նկ. 138.

⁶ Т. А. Бунятов, Земледелие и скотоводство в Азербайджане в эпоху бронзы, Баку, 1957, էջ 41, նկ. 6.

⁷ Գ. Կարախանյան, Պ. Սաֆյան, Հայաստանի հնագույն պատմության նորահայտ հուշարձաններ (տե՛ս «Պատմա-բանասիրական հանդես», 1969, № 1, էջ 280—281):

⁸ Б. Б. Пиотровский, նշվ. աշխ., էջ 114.

⁹ Վ. Պետրյան, Սասնա աղգագրությունը, Երևան, 1965, էջ 73—75.

Նրկրագործության, անասնապահության զարգացումը, ինչպես և ուղի-
մական ընդհարումները նպաստեցին տրանսպորտի այն տեսակների զարգաց-
մանը, որոնք գոյություն ունեին Առաջավոր Ասիայում և Հայաստանում դեռևս
մ. թ. ա. IV հազարամյակից սկսած: Իրոք, սալերը, ինչպես ցույց են տալիս
Սյունիքի, Գեղամա լեռների¹⁰ սալերի նորահայտ ժայռապատկերները և
Լոխարարից, Շրեշբուրից, Հառիճի բնակավայրից և այլուր հայտնաբերված
երկանիվ սալերի կավակերտ պատկերները, հանդես գալով Հայաստանում
մ. թ. ա. IV—III հազարամյակներում և անցնելով զարգացման երկարատև
ուղի, ուշ բրոնզի դարաշրջանում վերջնականապես ձևավորվում են և լայն
տարածում ստանում ամբողջ Հայաստանում¹¹: Այդ են վկայում ինչպես կավե
մոզիկներն ու ժայռապատկերները, այնպես էլ բրոնզե գոտիների ու կավա-
մանների վրա փորագրված երկանիվ և քառանիվ սալապատկերները: Այս
տեսակետից ուշագրավ է Դիլիջանից հայտնաբերված կենդանազարդ փոքրիկ
կճուճը, որի վրա առկա են ութը այծի, երկանիվ սալի և մարդկային երկու
պատկերներ¹²:

Նման սալեր են պատկերված և Սևանի ավազանից, Սանահինից¹³, Ստե-
փանավանից¹⁴, Ախթալայից¹⁵ հայտնաբերված բրոնզե գոտիների վրա: Ամ-
բողջական սալեր և մոզիկներ են հայտնաբերվել նաև Վրաստանի ու Ադրբե-
ջանի¹⁶ Թրիալեթի¹⁶, Դմանիսի, Մինդեշտուրի¹⁷ և այլ վայրերից: Դրանք պատ-
կանում են միջին և ուշ բրոնզի դարաշրջաններին: Թվարկված օրինակները
իրենց դուրահեռներն ունեն Միջագետքում, Առաջավոր Ասիայում: Այսպես,
օրինակ, Թևփե-Հավրայից, Քիշից¹⁸, Ուրից¹⁹ հայտնաբերված քառանիվ ծած-
կասալերի մոզիկները և սալերը ամենևին չեն տարբերվում Հայաստանում
հայտնաբերվածներից: Այս հանգամանքը ցույց է տալիս, որ փայտամշակու-
թյունը Հայաստանում գտնվել է զարգացման այն մակարդակի վրա, ինչ և
հարավում:

Մասնագիտական դրականություն մեջ լուսաբանված են սալերի նկա-
րագրությունը, շափագրությունը, դասակարգումը, կառուցման առանձնահատ-
կությունները²⁰:

¹⁰ Ուսումնասիրված են 1969 թ., նյութերը չեն հրատարակված:

¹¹ Գ. Կարախանյան, Պ. Սաֆյան, նշվ. հոդ., էջ 280—281: Ս. Հ. Սարգսյան, Նախնադարյան հասարակությունը Հայաստանում, Նրեան, 1967, էջ 174, նկ. 9:

¹² ՀՍՍՀ ՊՊԹ, դույթ № 1919/1:

¹³ Հ. Հ. Մնացականյան, Արևադարձային հետքերը Հայաստանում (տե՛ս Աշխ. ՀՊՊԹ-ի, հ. 1, 1948, նկ. 1, 3):

¹⁴ А. А. Мартиросян, Армения в эпоху бронзы и раннего железа, Ереван, 1964, էջ 160, նկ. 65:

¹⁵ J. de Morgan, La préhistoire Orientale, tome III, Paris, 1927, էջ 207, նկ. 207:

¹⁶ Б. А. Куфтин, Археологические раскопки в Триалете, Тб., 1941, էջ 79:

¹⁷ Г. М. Асланов, Р. М. Вандов, Г. И. Ионе, Древний Мингечаур, Баку, 1959, էջ 128, նկ. 98:

¹⁸ Г. Чайлд, Древнейший Восток в свете новых раскопок, М., 1956.

¹⁹ А. И. Тюменев, Государственное хозяйство древнего Шумера, М.—Л., 1956.

²⁰ Տե՛ս Ս. А. Есаян, Оружие и военное дело древней Армении, Ер., 1966, էջ 130—113; А. О. Мнацаканян, Раскопки курганов на побережье оз. Севан в 1956 г. (Տե՛ս Ս. А., 1957, № 2, էջ 151); А. А. Мартиросян, նշված աշխ., էջ 96—101: Ս. А. Есаян, Об одной неправильной реконструкции (Տե՛ս աշխատ. ՀՊՊԹ-ի, հ. 5, Նրեան, 1950, էջ 83—103):

Ներքին-Գետաշենի²¹ ու Լճաշենի²² դամբարանադաշտերից հայտնաբերվածները իրենցից ներկայացնում են ռարձրակող, ցածրակող, կամարակալ ծածկով, երկանիվ ու քառանիվ սայլեր, մանկական սայլակներ, ճանապարհորդական կառքեր ու ճեպընթաց մարտակառքեր²³։ Պեղված բոլոր սայլերը բաղկացած են երեք հիմնական մասերից՝ թափք, սունի (անիվներով) և լծափայտ (առեղների հետ)։

Թափք.— ուշ բրոնզեդարյան թափքի պարզագույն օրինակներ են հանդիսանում Լճաշենի №№ 2, 6, 10 դամբարանաթմբերում հայտնաբերվածները։ Զանգվածեղ անիվներ ունեցող սայլերին պատկանող այդ թափքերը կազմված են երկու քառանկյուն փայտածողներից, որոնք միաժամանակ առեղներ են։ Դրանք առաջամասում միանում են իրենց ծայրերին բացված հորիզոնական անցքերում ագուցված փայտյա սնպիկների օգնությամբ։ Առեղների հետնամասում հորիզոնական դիրքով պատրաստված են կլոր և քառանկյուն փորվածքներ, որոնց ամրացվում են սունին և թափքի հատակը կազմող փայտերը (նկ. 5)։ Այդպիսի կառուցվածքի առավելությունը պատրաստման դյուրության մեջ է, իսկ թերությունը եղրակողների բացակայությունն է, որով և փոքրանում է թափքի բեռնատարողությունը։

Զարգացման հաջորդ փուլում թափքն արդեն ստանում է եղրակողներ, որով մեծանում է նրա բեռնատարողությունը։ Այդպիսի թափքեր հայտնաբերվել են Լճաշենի № № 1—3, 9—11 դամբարանաթմբերից, ինչպես և Ներքին Գետաշենի «Իշխանական» դամբարանաթմբից։ Սրանք նույնպես կազմված են երկու քառանկյուն փայտածողներից, որոնց առաջամասում և հտնամասում արված հատուկ փորվածքներում լայնակի կերպով ամրացվել են երկու տախտակ։ Ստացված ուղղանկյուն շրջանակի փայտածողների եզրերին և վերին մասում բացված հորիզոնական և ուղղահայաց անցքերում ամրացվել են փայտե ձողերը և կողաճաղերը, ձևավորելով թափքի հատակը։ Կողաճաղերի վրա վերևից ագուցվել են կողափայտերը։ Նման կառուցվածքը թափքը դարձնում է ամուր և տարողունակ։ Այդպիսի կառուցվածք ունեն Լճաշենի № 11 դամբարանաթմբից հայտնաբերվածը, ինչպես և Ներքին Գետաշենից պեղված սայլի թափքը (նկ. 6)։ Հիշատակված մնացյալ դամբարանաթմբերից հայտնաբերված սայլերի թափքերը ունեն կամարաձև ծածկ՝ կազմված մեկ տասնյակից ավելի ճկուն, կամարաձև ծոված ձողերից, որոնցից յուրաքանչյուրի վրա բացված միջանցիկ ուղղանկյուն անցքերով անց են կացվել բարակ փայտածողներ՝ թերևս թաղիքից կամ խսիրից պատրաստված ծածկը ամրացնելու համար (նկ. 7)։

Առանձին հետաքրքրություն են ներկայացնում Լճաշենից հայտնաբերված ճանապարհորդական թեթև կառքերի մնացորդներն ու մարտակառքերի թափքերի բրոնզե երեք պատկերները (նկ. 9, 12)։ Դրանց ուսումնասիրությունը ցույց է տալիս, որ փոքր թափքը, որի վրա կանգնած են երկու զինվորներ, երեք կողմից ծածկված լինելով մարտիկին պաշտպանող բարձր եղրակողե-

²¹ Ե. Լալայան, Դամբարանների պեղումներ Խորհրդային Հայաստանում, Երևան, 1931, էջ 194—195։

²² А. О. Мнацаканян, Древние повозки из кургана бронзового века на побережье озера Севан (С. А., 1960, № 2)։

²³ Զ. Ա. Մարտիրոսյան, Ուշ բրոնզեդարյան բնակավայրեր և դամբարանադաշտեր, «Հայաստանի հնագիտական հուշարձաններ», պրակ. 2-րդ, Երևան, 1969, էջ 27—28։

րով, րաց էր հտեի կողմից, իսկ առջևի մասում ունևր բարձր կանգուն, որը ռաղմիկներին հնարավորություն էր տալիս ընթացքի ժամանակ պահպանել հավասարակշռությունը: Ի տարբերություն դրանց, փայտյա ճանապարհորդական կառքերի թափքը րաց էր միայն առջևի կողմից: Բափքի նման կառուցվածքը բխում է զործնական անհրաժեշտությունից: Իրոք, եթե առաջին դեպքում մարտիկը հնարավորություն ունի շարժման ժամանակ արագ բարձրանալ և իջնել մարտակառքից, ապա ճանապարհորդական կառքի թափքը ապահովում է արագ ընթացքը և թույլ է տալիս ճանապարհորդին նստած ղեկավարել ձիերը:

Ընդհանրացնելով թափքերի ուսումնասիրության արդյունքները հանգում ենք հետևյալին. 1) թափքը և առեղը քաշանի հետագա զարգացման արգասիք են, 2) այնուհետև թափքին տրվում է սալի նշանակությանը համապատասխան կառուցվածք, 3) մեղ հասած սալերից եզրակողերով րաց թափքերը հարմար են բռնակ տեղափոխելու, թերևս նաև մարդկանց համար, 4) թափքերի պատրաստման սկզբունքը գրեթե նույնն է, օգտագործման նպատակները՝ տարբեր:

Առևտ. — ինչպես թափքերը, այնպես էլ առեղները բաղմատեսակ են և պայմանավորված տվյալ սալի օգտագործման նպատակից: Սկզբնական շրջանում առեղ-թափքը կաղմված է եղել երկու փայտածողերից, որոնք առաջամասում միացվում էին միմյանց հորիզոնական գիրք ունեցող անցքերում առեղված փայտե ցցի օգնությամբ: Դրանք ունևին փոքր բռնատարողություն և կարուկ շրջադարձ կատարել չէին կարող: Մարտակառքերի և «թեթև» կառքերի առեղները կատարելագործված են, որոնք մի դեպքում քառակող ուղիղ ձող են, մյուս դեպքում՝ առեղը իր ետնամասում ունի ընդգծված կորություն: Առեղները լծին են միացվում կաշիփոկի և փայտյա ցցի օգնությամբ: Հայտնարկված լծափայտերը քառակող են, որոնց ծայրերին կան կենդանու պայանոցին ղնելու համար արված հատուկ կորություններ:

Փայտամշակության բարձր վարպետության արգասիք են սալերի անիվները: Դրանք իրկու տեսակ են՝ զանգվածեղ և ճաղավոր: Առաջին տեսակի անիվները պատրաստված են երեք կտոր կոպիտ տաշված տախտակներից, որոնց հպվող երեսները իրար են միացվել զանաձողերով: Դրանք ամրացվել են նախապես փորված անցքերում: Անիվը կաղմող կենտրոնական տախտակի երկու կողմերից արված են անվաթմբուկի նման հավելվածներ, որոնց մեջ բացված անցքերում տեղադրված է սոնին: Ազգադական տվյալների համաձայն՝ անիվը պատրաստվում էր հետևյալ կերպ. անվատախտակները ընտրվում էին խոնավ փայտից, որոնք դրի օգնությամբ փորվում էին: Բացված անցքերում ամրացվող փայտե գլանաձողերը պատրաստվում էին չոր փայտից: Այգ բոլորից հետո անիվը թրծվում էր տաք մոխրի մեջ, որով խոնավ փայտը աստիճանաբար չորանում էր և իր մեջ սեղմում ագուցված գլանաձողը: Չոր գլանաձողը այգ ընթացքում պահպանելով իր ծավալը չի սեղմվում, չի բարակում ու չի շարժվում ագուցված բնի մեջ²⁴:

Ավելի բարդ կառուցվածք ունեն ճաղավոր անիվները: Դրանք կաղմված են քսանութ մշակված ճաղերից, որոնք մի ծայրով ամրացված են անվաթմբուկին, մյուսով՝ անիվի փայտյա գողին: Այսպես են պատրաստված ինչպես

²⁴ Լ. Ն. Պետրոսյան, էջեր Հայաստանի փոխադրամիջոցների զարգացման պատմությունից («Պատմա-բանասիրական հանդես», 1966, № 3, էջ 210):

ճանապարհորդական կառքերի, այնպես էլ մարտականքերի անիվները: Ճաղավոր անիվ պատրաստելու համար, ինչպես ցույց են տալիս ազգագրական տվյալները, օգտագործվում էր համապատասխան հաստություն և երկարություն ունեցող կոճղ, որի ծայրերը բարակեցվում էին: Կոճղի կենտրոնական մասում ճաղերի համար փորվում էին անհրաժեշտ քանակությամբ փոսիկներ: Այնուհետև կոճղի մեջ դրի և կրակի օգնությամբ բաց էր արվում անցք: Անվագողի համար ընտրվում էր համապատասխան երկարություն և հաստություն ունեցող փայտ, որի վրա բաց էին արվում անցքեր, իսկ ծայրերը միացնելու համար փորվում էին ելուստներ և խորություններ: Այնուհետև կրակի օգնությամբ աստիճանաբար կլորացվում էր փայտը: Ստացված օղակի ծայրերին փորված ելուստները և փոսիկները մտցվում էին իրար մեջ և ամրացվում փայտե սեպիկների օգնությամբ: Այս եղանակով էին կորացված նաև սալների կամարածե ծածկերը: Որոշ սալների թափերը (Լճաշենի № № 9, 10 դամբարանաթմբերից հայտնաբերվածներինը) իրենց ետնամասում ծածկված են բավական բարակ տախտակներով, որոնք եզրամասերում սղոցվել են և ամրացվել կողաճաղերին: Տախտակները իրար են միացված փայտե սեպիկներով և ունեն հարուստ զարդանախշեր՝ պատրաստված արտակարգ նրբությամբ: Դրանք անվերջանալի պարույրներ են, զիգագոններ, խաչաձև և ցանցկեն գծեր, եռանկյունիներ և երկրաչափական այլ պատկերներ: Նման նուրբ փորագրությամբ ուռուցիկ զարդանախշեր ունեն նաև Ներքին Գետաշենից հայտնաբերված սալի կողափայտերը (նկ. 13): Նախշերը ունեն միանման տեսք, արված են հավասարաչափ ու շարքով, մի բան, որ անհնար է առանց նախնական գծագրության և չափագրության: Սալները հսկայական փորձի և հմտության արգասիք են: Դրանց փայտի բնականական մանրազնին քննությունը ցույց է տալիս, որ նախնադարյան հյուսնը ոչ միայն մշակել էր սալների պատրաստման որոշակի կանոններ, այլև շատ լավ գիտեր յուրաքանչյուր ծառատեսակի տեխնիկական ու դեկորատիվ հատկությունները: Սալի անիվը պատրաստվել է թեղու, սոնին, թևերը, առեղը՝ կաղնու, առեղի ականջները մի դեպքում թեղու, մյուսում՝ կաղնու փայտից, իսկ ծածկը՝ կարմիր ծառից: Նըշված ծառատեսակները ունեն տարբեր հատկություններ: Այսպես՝ կարմիր ծառի բնափայտը ունի հաճելի գույն և հեշտությամբ է հղկվում, թեղին և կաղնին աչքի են ընկնում ամրությամբ²⁵:

Փայտամշակման աշխատանքների ուսումնասիրման գործում առանձնահատուկ տեղ պետք է հատկացնել կենցաղային գործածության իրերին: Մեզ են հասել ափսեներ, մատուցարաններ, գդալներ²⁶, ցանցկեն քառոտանիներ, որոնց ուսումնասիրությունը կրկին խոսում է փայտագործության ասպարեզում ձեռք բերված բարձր վարպետության մասին:


Փայտամշակության աշխատանքների հետ են կապված Լճաշենից, Ջրաբերից, Ջրառատից, Յամաքաբերդից հայտնաբերված ցանցկեն քառոտանիները: Դրանք ուղղանկյուն շրջանակներ են՝ կազմված տաշված կամ անմշակ կլոր փայտերից: Կողափայտերի վրա կան երկարավուն անցքեր, որոնցից անց են կացրել կաշեփոկերը, ստեղծելով ցանցանման հարմարանք: Շրջանակների

²⁵ В. П а л а н д ж я н, Деревянные повозки из раскопок у сел. Лчашен Севанского района Арм. ССР (տե՛ս «Աշխատ. ՀԳՔ»-ի», Երևան, 1959, հ. 3, էջ 266—269).

²⁶ Հայտնաբերվել են Լճաշենում, նյութերը չեն հրատարակված:



26.1




0 20 40 60 80 100
26.2




26.3




26.4




26.5




26.6




26.7




26.8




26.9



26.10



26.11



26.12



0 20 40 60 80 100
26.13

անկյուններում ամրացվել են պաստորալի շորս ոտքերը, որոնց մի մասը պատրաստված է խնամքով և ձևավորված է, իսկ մյուսները ոչ²⁷։

Փայտը լայնորեն օգտագործվել է նաև բնակարանաշինություն (հազարաշեն կտուրներ, առաստաղը պահող կենտրոնական հիմնասյուներ, դռներ և այլն), գերեզմանի ծածկի, նավակների, զանազան զենքեր ու գործիքներ պատրաստելու համար (նետ, աղեղ, նիզակ, կապարձ, վահան, դաշույնի դաստակ, սակրերի կոթեր, ջուլհակի դազգահներ և այլն), որոնց մեծ մասը մեղ չի հասել։

Ելնելով հայտնաբերված նյութերի պատրաստման եղանակներից, ինչպես նաև հայտնաբերման հանգամանքներից, կարելի է ենթադրել, որ փայտամշակությունը եթե դեռ չէր անջատվել երկրագործությունից ու անասնապահությունից, ապա այդուհանդերձ կար արդեն առանձին արհեստավորը, որը աշխատում էր եթե ոչ շուկայի համար, ապա պատվերով։

Փայտագործական աշխատանքները բաժանվել են երկու խմբի. 1) մասնագիտացված կամ բարդ և 2) ոչ մասնագիտացված կամ պարզ։ Սայլերը, մարտակառքերը և այլն պահանջում էին մասնագիտացված աշխատանք, հետևաբար և մասնագիտացված գործիքներ (սակրեր, զանազան տեսակի դռեր, սղոց և այլն)։ Մինչդեռ նիզակներ, սակրեր, գուրգերի կոթեր և այլն պատրաստելու համար պարտադիր չէր տվյալ գործի մասնագետ լինել, քանի որ դրանք հատուկ հմտություն և փորձ չէին պահանջում։ Ուշագրավ է և այն, որ առաջին խմբի իրեր հայտնաբերվել են հարուստ դամբարանաթմբերից, իսկ զանազան զենքերի բաղկացուցիչ մասերը հանդիպում են ամենուր։ Ուստի և կարելի է ենթադրել, որ իր աշխատանքի մեջ լավ հմտացած հյուսնը աշխատում էր պատվերով, բայց ոչ շուկայի համար։ Հետևաբար փայտագործության հետ կապված իրերի կարիքը հիմնականում բավարարում էր փայտագործ վարպետը, որի արտադրանքի մի մասը (սայլ և այլն) շատ թանկ արժեք, իսկ մյուս մասը այնքան անհրաժեշտ չէր փայտյա զանազան ամանեղեն և այլն)։ Իրոք, սայլերը, որ զարգացած անասնապահության պայմաններում այնքան անհրաժեշտ էին, հայտնաբերվել են միայն հարուստ դամբարանաթմբերից (թանկարժեք են) և կատարված են պատվերով (պատրաստված են արտակարգ խնամքով)։

Այսպիսով ուշ բրոնզի և վաղ երկաթի դարաշրջանում փայտամշակությունը Հայաստանի բնիկների տնտեսական կյանքում էական տեղ է գրավել։ Փաստական նյութի ուսումնասիրությունը ցույց է տալիս, որ Հայաստանի նախնադարյան փայտագործ վարպետները տարբեր իրեր պատրաստելու ժամանակ խիստ սահմանազատում են մտքի տարբեր փայտատեսակների միջև։ Նրանք միաժամանակ տիրապետել են փայտի մշակման տարբեր եղանակներին (հատել, տաշել, հարթեցնել, սղոցել, փորագրել և այլն)։ Ուսումնասիրությունը ցույց է տալիս, որ մեզ հետաքրքրող ժամանակաշրջանում կային առանձին արհեստավորներ, որոնք աշխատում էին պատվերով, հավանական է նաև՝ շուկայի համար։ Տվյալ արհեստաճյուղի զարգացման բարձր մակարդակը հիմք է տալիս ենթադրելու, որ փայտամշակությունը ժառանգական բնույթ է կրել։

²⁷ Հ. Հ. Մնացականյան, Խոսում են հուշարձանները, Երևան, 1968, էջ 134.